


Zuluyekalo san 2012

San 40nan

Boké 486nan

Songo = dorème 35



Kunnafoniseben bota kalo o kalo

BP : 24 - Téléphone : 20.21.21.04 Kibaru bugufiyé, Bosola, Bamako

Musokonoma ka
peseli bë ba ni
den fila bëe
tanga

ne 8

Peresidan Jönkunda Tarawele ka dantigeli jamanadenw ye

Peresidan Jönkunda Tarawele seginnen faso la, a kumana jamanadenw ye. A ko «Aw bëna faamuyali ke, n dalen b'ol. N bë folo ka Masaatala fo k'abarika da. A yes di ne ma n ka dantigeli ke aw ye geleya min ye n soro mëkalo tile 21, o kofé. O kéra dansagowale ye an ka laadaw an'an faso ma. N ye min fo ka tems, n bë segin a kan bi: Ne ni te fosi ye Mali koro. Mogo minnu ye n bugo, n yafara u ma. Nyafara Maliko kama. N yafara Mali togo la; sabula Mali mago b'a den bëe fanga la walasa a ka se ka jo a sen kan. K'a damine bi la fo badda, an ka kan k'an jo an naniyaw koro, ka jo an faso tariku fana koro. O siratige la an ka kan ka numanya ke ani ka sigikafé sabati an ni nögón ce.

N fasoden nögón, n b'a nini aw fe, ka segin k'a nini aw fe, ce ni muso, an ka yafa nögón ma nin sunkalo barikama in yere koson. Ala k'an jo sunkalo in baraji kono, k'a ke hère ye jamanaden kelen-kelenna bëe ye diine ma bo diine na. Ala ka samiyé numan di an ma sénékélaw ka wasa soro u ka baaraw la.

An be yoro min na sisani, o ye waati gëlen ye Mali kono. Nka n dalen b'a la i'n'a fo aw yere, geleya in, an bëna se k'a wuli ka bo an kan. Mali bë se ka ionpolanpa n'o te a te dafiri.

Fen min ye fanga sigibolow lakananikoye, n'b'a fe ka nfela fo ola.

Minisirijemogo Modibo Jara ka tilekmebaara dantigeli

Mogo tun sigilen ka minisirijemogo Dégotoro Séki Modibo Jara ka dantigeli makonka da geleya min be jamana kono. A ye joyoré in baara damine san 2012 mëkalo tile 24. O ye laadalako ye tile 100 o kofé dantigeli ka ke jamanadenw ye. Jemukan in latemena telewison na jumadon, zuluyekalo tile 27 san 2012 minisirijemogoso la. Minisiri bëe tun b'a kene kan ka fara sorodasi jalabatigi ni minisirijemogo baaraké nögondowkan. Kunnafonidila dòw tun welela ka nininkaliw ke. Kunnafonidibaro in kuntaala surunyara lere kelen na.

Minisirijemogo Modibo Jara ka fo la, Alizeri, Siniwajamana, Maroku,



Peresidan Jönkunda Tarawele ye waleya damado dajira jamanadenw na

Ne dalen bë Malí lakanabaaw an'a sorodasiw la. U bë se ka jamanakuntigi lakan, ka fanga sigibolo to bëe lakan. Dabali minnu tigelendono hukumu kono, o bë wasa ke. A bë sabati u bolo ni dönniya ani minen minnu ye, fërew bë ka tige olu la.

Walasa ka fanga sigibolow fanga kologirinya hadamadenyakow ni politikikow sira fe ani furancelafanga sigikun min dantigera bënkanseben sariyasen 6nan na, ne bë waleya damado dajira jamanadenw na :

Fofo: Jekuluba dësigili jamana togo

la. Dankan fila bë nini ka fara jamanakuntigi kan. U bë jamanakuntigi deme furancelafanga ka baaraw la.

Dankan kelen bë sigi sorodasiw ni lakanabaaw togo la. Dankan kelen do in bë sig jamanaden tow togo la.

Filan : Benkan kono, goferenaman kura bë sigi k'a lafere politikitow ye. Mogo minnu ka kan ka dono goferenaman na jamanakuntigi yere b'o segesegeliw ke.

Sabanan : Jekulu kerenkerennen bë sigi furancelafanga kama. O hakilila bë nini fanga ka baaraw la.

Politikitow ka mogo bë don a la, depite b'u bolo walima depite t'ubolo o t'a la; hadamadenya sabatilijekulu mogo bë don a la. Jekulu in némogo bë ke jamanakuntigi dankan filan.

Naaninan: Jekuludobë sigisigikafé kama ka keñe ni Sedeyawo, némogo bë hakilila ye. Laje filan min kéra Wagadugu Malí kunkan a la, nini kéra o laseliseben dakun 18 nan na.

Jekulu in ka baara bëna ke sigikafé sabatili ye gofereman ni köröfela mogo murutilenw ce. A b'o baara in ke ni Sedeyawo ka fokabenna ye walasa bënbalia min b'an n'u ce ni sigikafé bëna se k'a ban.

Duurunan : Ka demenjinisiben laben k'a ci Sedeyawo, Afiriki kelenyatumba ani dien tonba ma i'n'a fo ciden minnu tun nana jatemine na an ka sorodasiw fe Bamako yan, olu y'o lajini cogo min na.

Peresidan dankan fila ninnu bë sugandi fo kasoré ka goferenaman kura sigi ka furancelafanga demenjekulu sigi o no gonin na. A mëenniba ka ke tile 15 ye goferenaman kura sigilen kofé.

Min be fo ka jëya jamanadenw ye, furancelafanga in jamanakuntigi, a minisirijemogo ka fara a minisiri kan, u si kelen te jamanakuntigiya nini jamanakuntigisikalata nata in na.

Dokala Yusufu Jara



Minisirijemogo kumana ka wasa

Eziputi ka fara Malí terijamana werew kan, olu ye balow di. Maliden minnu sigilen bë kókan olu fana ye deme ke. Faso ka balo lamaralen na tóni 16.818 tara ka di komini 46 ma, minnu ka geleya ka jugu kosebe. Jekulu kerenkerennen do fana ye balo lase jamana körönyanfan fe. O köröfekélé ye mogo miliyon 4,5 gen ka bo u sigiyorow la. Goferenaman ye

sefawari miliyari 110 boloda olu demen kama. Fen min ye köröfela minen ye mogo murutilenw na,

minisirijemogo y'a jira k'a ténna se ka camanfoola; sabula kolakana baara fanba ye gundolako ye. Sorodasiw kóni bë ka nögón lafaamuya; minenw fana bë ka nini u ye. A ka fo la, köröfela bë mine jugu la; a laben n'a kélé musaka kóni bëna caya. Sorodasiw bë ka döfarä uka dönniyaw kan kélé fërew la, minen dòw yere soro kaban.

Jekulu minnu sigilen bë sen kan n'u naniya ye ka mogo murutilenw kélé k'u gen ka bo u ka yorow la, Séki Modibo Jara y'a nini u fe u ka don sorodasiya la. N'o kéra u bëna kélé nedon ka se maramafew labaaracogo numan fana na. Mogo man kan k'i bon jihadikékelé ninnu kéléli kan kasoré i m'i sebekoro laben. Ugenni te ko nögón ye. An be yoro min

A to be ne 2nan

**Koronfskels ani joycrokokels
kolcib yelennan be kunnafonicakedaw la**

Qayyorkokelé anikorofekelé geleya
minnu be Mali kono bi, jamana tun
famana oti nagaenna ma. U kelen ba
sababu ye ka baara bee kecogo
geleya an be don min na. Geleya in
koleç yelennen be
kunnafonisëbennaw ni Arajow ni telew
fana na. Olu caman ka baara fanba
be ke tilefoniw fe sisan. Moggow bu'u
swelerka kurnafoniw splini u fe walima
okakunnafoniw di u madi dideqeb
ulux Haikilita jtingre bura sibi kenyereye e
arajosow ka ta Malidkonowka teme
n Afisiki jamanaiccaman taw, kand A
daminen san 1992, sira dilen mogow
chmalenyereye arajoko la. NKA kabini
wsan mei 1991 yekutoburukal on si'a
edesanburukalò la kenyereye arajoso
sdow dayelela. Animasen 10 soro o
kofesmis sa Sharke tma ke me soro.
Qatemi menawiyajira ko kalo ol kalo,
sa rajoso ifilan be dayelela Mali kono.
n Yamariuya dili ninbince nto yerk'a
edamine san 1992 la ka se 2012 ma,
i kenyereye arajoso hake sera 300 ma
Mali kono. Sigidalamogow nistigow ta
ka surin 150 lato hake inna, waritigow
ta y'a la 50 ye. Atsye diine mogow taw
ye. am adni ejib inis adnisiynesol
in Kenyereye arajow ni telew cka
taw, i sy ofamis di wissbowes ak ne
in nim ogofis
ed wissbowin kifin qasimis nevalis
n wissbowes ak wissbowes ak
Korof

Kɔɔnfekɛlɛ kuma fobaga ka ca, a kɔbaga man ca

Kelébolo minnu ye körönfela mine,
olu yéredama bilala nogon na. Minnu
koub'a fe k'u yere ta ka ke udamana
ajamana ye, n'oye «Emenela» ye, olu
sjolo karila «Anisaridiini» kelébolow fe.
«Anisaridiini», ale fana ye burudamew
ka kelébolo ye i n'a fo «Emenela» nka
ale lajini ye ka Silamediine sariya
diyagoya sigi Mali Kunna. O kofe,
si waised oj agnati inii ad utilidaw

The following

na fanga si te dîne kono min be se k'ugen pewu kalo 3 kono. Jateminé na jekulu min be Éropu ni Ameriki togo la n'o ye «OTAN» ye, o san 10 ye nin ye ka jihadikélékelaw, kèle Afuganisitan. U donna Mali kono nin y'a san 10 ye. A numap ye an Kan fanga ke kelen k'u kélé ka bo jamana kono.

Ministri n'mogo Séki Modibo Jara y'a jira kó fén min ye sorodasi wérew weleli ye ka n'an deme Koroñfekélé la, ale bë son o ma; nka n'u bena faso sinsin cakédaw de lakanani kama Bamako o t'ale feko ye. MALI sorodasiw taara jamana wérew deme u ka kelew la lafiya sabatili kama. Mun koson ale te son mogo wérew ka n'a an fana deme bi.

Jamanakuntidi Jōnkunda Tarawele bugoliko la jamanakuntigiso la ministrinēmogo kō o moggow ye Mali togo tine. Segesegeliw be sen na walasa k'u mine k'u kiri. A kō moggó fila yere sōrōla u la kabani; olu be kasoo la folo. Segesegeli b'a la ka boli ko saba kan. Jamanakuntigi bugobaaw ninini, jamanakuntigiso lakānabaa minnu y'u deme u ka se k'o waleya jugu in ke olu ninini ka fara bugolikela ninnusubaaw kan. Nka segesegeli intena galabagalaba ke ka baga moggó ma k'o nangi kásoró a m'a min a m'a bon.

Nafoloko nasira la, minisirinemcəc ko fangadafiri kelen jamanaw y'u ka
deme tige Mali la. Jamana be ka balo a yere ka soro de la sisani. Nin y'o sine
fölo ye Mali kono. O be mogo nisondiya kosabe.

Fen minye goferenamandayeleliye ka mogo werew don ala, minisirinemcəc
y'a jira k'o t'ale fe baasi ye. Nka k'a t'ena se ka mogo 130 koni ta minisirya la
(o ye Mali politikiton häke ye). Seki Modibo Jara fe, Mali tan bëe mogo be nin
goferenamän in na. Nka Mali bɔli bolo la n'o be son ka siri minisiri 50 sugandil.

Amadu M.Sise

Amadu M. Sise
Dokala Yusufu Jara



Kunnafonidilaw sago tu ka baara kccogo numan na biler

jekuluba n'o ye, URTEL ye o y'a
jira ko arajo hake ka ca ni 50 ye
Malikorofela la n'oye Gawo Tumutu
ani Kidali maraw ye Kayimara Kelen
ta ye 63 ye, Kulukoro mara 50, Sikaso
mara 53, Segu mara 44, Bamako
fana ta ye 44 ye

Sigidala arajo nimmusinsinen be fasokanw kan. U dama ka kan Mal siya bœ la kuma na, sekoni donko la, politikimogow ani donkildilaw bolo. Kunnafonisebencakedaw bœ balo cogo min na, arajosow fana bœ balo c scogoda. Ulka sœrosirilen be cilasew

ekse3 kuma fobag

cogo numan na bilen

a n i
la gamuniw
m u s a k a
sorotaw-la
Kenyereye
arajosow
nemogaw ka
fo la, olu ka
soro fanba be
ke lagamuni
na. O de
k o s c n
lagamuni be
b o l o d a
jemukan bee
koco. Ni
lagamuni soro te kenyereye arajo ni
tele si te bɔ kari la ka nteneñ soro.

de be kɔrɔnfela la sisān mögo juguw
be ka minnu minne u tigiw la ka k'ru ka
okunnatonidiyorow ye! N'ol ye Kidali
arajo «Tisidas» ani Tumutu arajo
«Bukutu». O arajoso ninnu sago tu
ka ketaw la folo. Mögo murutienw
maja ubilam na ebo de ka Soro
feno fen be kenyereye arajosow la bi,
o ye cilasew wariw ani lagamuni
musaka ssorotaninw ye! O
slagamuwarin camah be soro
farafin furakelaw la oluka lagamuniw
na. Nka geleya in na wari bere te ka
esobilen Hambarakelawsat a setoli
y'a damariako ye kuma te kurañsara
ma. Arajosow ta ye geleya dan bee
sorobabarow la ka kuma te bia jama
sorobabarow la ka kuma te bia jama

ka ca, a kebaga
silamediine dante mewale tigilamog
minnu be dije kono n'oye «Akimi» ye
ani, «Bogoharamu», olu faralen b
«Anisaridiini» kelebolow kan.

Bi-bi in na, «Anisaridin», na
enowde fanga ka bon körönfela
ka teme «Emenela» kan.
An bë don min na i ko bi waliuw
kaburu minnu bë Tumutu, olu bë ka
ci, k'u kari bögöbögö silamediir

dantemewale tigilamogow fe, ka da
kan ko fosi man kan ka bato i ko Alaa
Oye kuma ye min ni tije ka jan noga
na. Mogot se ka bo yorosil la k'i benn
silameya nefo Tumutukaw ye. Ni Alaa
ka mogonumanw subonyali tunye ka
jugu ye, sisani tun te u si su sora
Tumutu. U dun be yen a ka ca ni sa
500 ye bi.

Korōnfemogow be degunba korbi, bawo u be bolokonomogoya la; koryek'usagotuyere la fosila. Uksaya n'u ka balobe u marabagawd

Sezuru donna Mali ni Moritani ce

Kökankow an Mali ni jamana wëre ce körëw nənabölli minisiriso ka laselli do y'a jira, ko Moritani faamaw ye. Mali goferenaman lađonniya, k'ye seben dilan min be san dunaw fe u ka jamana sigili yamariyali la. N'o ye sezuru ye. Mali goferenaman fana y'a jira Moritani na, ko Mali fana sigili sirilen be sezuru sarni na u ka jamanadenw fe.

Mali ye jamanā ye, min b'a sigiñogonjamanaw gasi sigi badenya ani teriya kono. Hakililajigin na, san 1963 zuluyekalo tile 23, Mali ni Moritani ye bənkansəben bolonobila u ni njogon ce. O bənkansəben tun b'a jira ko jamana fila ninnu mögow n'u bolofenw be se ka munumunu njogon ka jamanaw kono u fere ma. Sabula u be dambu ni kilometre camañ ye. Terisira ni badensira b'u ni njogon ce o te biko ye. U jelen don ko caman-fana-kan u yeredama ni njogon ce, Afiriki tilebinyanfan fe ani dije fan tow.

Namara ni yuruguyurugu kéléli daminéna forobacakédaw la

An be don min ná i ko bi, kenyereye cakedaw fanga man bon kosebe ka se mögo caman tali ma baara la. Baaraninaw be ka u nesin forobacakédaw de ma kosebe. Olu fana dun sorozi geleyalen don.

San o san, lakoßen caman be tila kalan na nka u te baara soro. Musofurucéw ani npogotigi kogofa caman de b'an ka bolonw kono, u tilalen don u ka kalan na, dipulomu b'u bolo nka u ma se ka baara soro.

Alaban na, yuruguyurugu, somogoya, dönbagaya, teriyasiraw, olu nana don a ko la. Dow be nafolo labila, dow be mögoko jira, dow be fangatigiya jira. Baara soroçoço kera olu de ye sisan. O dun man kan.

Baarako minisiri Mamadu Namori Tarawele b'a fe ka fu siri nin waleya cejugu ninnu dan na.

Dipulomu namaralen lankolon 2430 comina. U tigw ka baara tinené, ka döw lasegin kó. Ou la, mögo 1700 tun be baara la an ka kalansow la. A jateminené o la, ko forobabaara kono, dipulomu namaralen tun be «kontarakitiyeli» 662 bolo. Sigida lakoßennew ka baarakelaw la, dipulomu namaralen tun be mögo 1768 bolo.

O bolen ko yen, namara belebele were wogobera kósan in na. A yera k'a fo k'a ta san 2011 awirilikalo la ka se san 2011 desanburukalo ma, baarakela joyorofitintigi caman tara góferenamanbara la kasoro kontarakitiyeliw de tun don nk'u jatera ten fóniksóneri w. O kera fili ye min bena latilen.

Nin ségesegeliw ninnu tun bolodara góferenaman kóro de fe. Nka u waleyali daminéna Seki Modibo Jara ká góferenaman fe, wa u bena to senna.

Dusu Jire
Mahamadu Konta

A' ye Kibaru kalan.
Kibaru ye kunnafoni
jigine ye

Afiriki te se a ka sidatow musaka koro

Dijé tonba bolofara min nesinnen be Sidako ma Afiriki kono, o némogo ye Miseli Sidibe ye. Ale ye Maliden ye. A y'a jira ko san 2011 konona na, sidato miliyon 6 tun b'a la ka sidafura ta. Oye fura ye, min be sida banakise bali ka tjenéni ke farikolo la. O ye faratiba ye; sabula o fura in be bo gun werew kan ka don Afiriki kono.

San 2011 kono miliyon 1 ani 100.000 farala sidato hake kan, minnu be ka sidafura ta. O de la a hake sera mögo miliyon 6,2 ma o san 2011 kono. N'o ye kemesarada la 56 faralen ye sidafuratala hake kan. Miseli Sidibe y'a jira k'a san 10 ye nin ye, mögo si tun t'a don ko sidako bëna se o hake in ma tuguni. Dó kóni bora sidato ladonni musaka la. San 1990, san o san sefawari miliyon 1 ani 100.000 tun be musaka mögo kelen na. A jiginna ka se dörème 8.000 ma sisan. Oye sida cogoya fololadonni musaka

ye.

Sidafura kera sababuye ka caman bo sida ka mögo fagata hake la Afiriki kono. Jateminew y'a jira ko Afiriki sidato de ka ca ni gun to bëe ta ye. San o san sida tun be mögo miliyon 1,8 faga Afiriki kono. San 2011 konona na a ye hake min faga o ma teme miliyon 1,2 kan. Miseli Sidibe ka fo la, do mana bo sidako fanga la cogo o cogo, Afiriki ta téna se ka ke netaa ye; sabula, fo n'a bora Afirikidisidi la, jamana si te yen min sirilen te gun were jamanaw na sida wariko, a furako an'a nejininkola. N'i ye Afiriki sidafurtala kemesarada, 80 musaka be bo kókan.

N'i ye jamana döw ka sidatow ladonni musaka kemesara da, olu be sek'ujen 50 ye. Kasoro Siniwajamana jolen be n'a ta mume musaka ye. Kemesarada la Endujamana jolen be ni 95 ye a ta la. Afiriki kono jamana

caman be yen minnu ta musaka mume be bo kókan.

O siratige la, Miseli Sidibe b'a jini Afiriki jamanaw fe, u k'u jilaja ka warisorosirawdayele minb'a to usirileñ be bo kókanjamanaw na sida kéléli musakako la.

Sidafura hake min be ladon Afiriki kono, o kemesarada la 80 sábabu ye Endujamana yé. Walasa ka Afiriki sirilen bo gun were jamanaw na sidafurakó la, Miseli Sidibe tun y'a jini a jamanaw fe, u ye Afiriki kélénya tonba ka laje min ke Ádisi Abéba zuluyekalo in ná, u k'a laje ka cakéda sigi sén kan sida furakó kama. O cakéda ka baara bëna ke sidafura dilanni ye ka di Afiriki möggw ma ani ka fura dilantaw ségesegé. Sabula à jirala kó furá minnu be dilan Afiriki kono, kemesarada la 30 ye fura lankolonw ye.

Dokala Yusufu Jara

Caman bora musosaya ani densaya la faantanjamana na

Dijé tonba bolofara min nesinnen be kenyayako ma n'o ye «OMS» ye, o y'a jira a ka san 2012 zuwenkalo tile 25 laseliseben kono, ko kabini san 1990, do be ka bo musosaya ani densaya hake la. O waleya in ye lajini sabatitaw döye dijé kono yanni san 2015 ce. Jatemine na faantanjamana 75 minnu be dijé kono, naniya sirila k'o denmisennin minnu si hake te teme san 5 kan n'i y'o tila kulu 3 ye, kulu 2 ka se ka kisi sajoona ma. N'i y'a muso fana tila kulu 4 ye, kulu 3 ka se ka kisi.

OMS ka laseliseben in kono, do bora faantanjamana minnu ka musosaya ani densaya hake la, olu be Afiriki Sahara woroduguyanfan fe ani Azigun woroduguyanfan fe ka digi kóron kan. Hake min bora a la o ka surun tilance la. San 1990 muso sata hake tun ye 543.000 ye, san 2010

waati la a ma teme 287.000 kan. Den sata hake tun ye miliyon 12 ye san o san; o ma teme miliyon 7 ani 600.000 kan. Kemesarada la o ye 36,6 bolen ye musosaya ani densaya hake la dijé kono.

Jamana döw n'u ka faantanya in bëe, u sera ka do bo u ka musosaya ani densaya la kenyayá sabatili waleyaw matarafali fe. San 1990 ni 2000 furance la, den hake min tun be fatu Afiriki kono, o tilance be kisi sisan. Kemesarada la 75 bora musosaya hake la Gine Ekatoriyali, Nepali ani Wiyetinamu jamanaw na.

Wasa be ka soro dögnin-dögnin; nka faantanjamana 75 ninnu na, 22 dögn de bëna se ka caman bo a ka musosaya ni densaya la kosebe ka ben ni sarati dalen ye; n'o ye yanni san 2015 ce ye. O kóni ye geleýaba ye. Sabula an be don min na, halibi

fogonfogodimi ni kónboli ye den miliyon 2 sababu yesano san; kasoro o be se ka bali ni kenyayá waleyaw matarafali ye. N'o ye fogonfogodimi ni kónboli kùnbenni an'u furakeli baaraw ye.

Den hake min be bängé faantanjamana na san kono, kemesarada la 40 be fatu usi kalofolo yere la. Kemesarada la 10 be bängé joona kasoro u ba kónbära sarati ma dafa. O yere b'a la ka caya kosebe. Densaya juguyali sababuba do ye o wojoona in ye.

«OMS» bolofara min nesinnen be denmisenninw kunkow nénaboli ma n'o ye «UNICEF» ye, o y'a jira ko musosaya an'i densaya kéléli sénna ka sumá. A jámana 75 la, 40 ka baarakenafolo kemesarada la, o be min don kenyayako dafa o te 10 bo.

Dokala Yusufu Jara

Segu Ofisiri jigi be malokaama toni 67.000 ni kóscöli kan san 2012/2013 sené kanpani na

Sené, baganmara ani mònni minisiri Musa Lewo Sidibe ye Segu Ofisiri ka san 2012/2013 sené kanpani idaminéni dabañe folo ke Konodimini zuwenkalo tile 26 san 2012. O ni Segu ce ye kilometre 21 ye.

Kanpani idaminéna waati gelein na. Sabula san temené, sanji ma laboli ke, baw ma fa. Nin nogonna sanjkogelsya tun famana ka ke ni san 1907 te. O san 105 ye ninan ye. Sanjidesse do kera san 1984, nka o ma juguya ka san 1907 ta bo.

San temené sanjidesse kera Segu Ofisiri kono. O kera sababu ye ka maloseneyoro taari 13.260 tje senekelaw ye; hali olu sera ka yoro minnu sené; malo ni no bëre ma soro ou la. Ofisiri nemogoba Babugu Tarawele y'a jira k'u ye taama minnu k'u ka senemara kono u ye geleýaw kiime. O nana ni deme döw keli ye ka nesin senekelaw ma. Osiratige la, malosi toni 1.362 dira. Balodese kóbsira kosebe komini minnu na balo dira olu ma. A y'a jira fana ko teme bëna ke ni gerenkanmaloko ye Ofisiri kono.

Malosi hake min be Ofisiri bolokoro an be don min na, n'i y'a ka sikomako kemesarada o be 62 n'e o la. A fo ye toni 498 min ye o de ka kan ka jini a tumá na.

San 2012/2013 sené kanpani na, Segu Ofisiri jigi be malokaama toni 27.773 ani jo toni 165.899 sorozi kan. Walasa k'o lajini in sabati, Ofisiri b'a fe k'a ka baara kécogo kolo girinya ni do farali ye senekelaw bilaisirali dabaliw kan, ka misidabaw ni senekemansinw di, ka nogo, sumansi na fámaw, binfagalaw, fenjenamafaganaw ani sijolanw fana bila u ka bolo kan. Jibolisiraw be laben, ka do fara Farakó ni Tamanin foro labennenw hake kan. Soke senekeyoro taari 3.675 labenni musaka be jini. Ka denmisew bolo don baara la sigida la ani ka musow ka baaraketaw don ba la, nin bëe ye dabali tigelenw ye, Ofisiri bëna a no da minnu na kanpani in na.

Moriba Kulubali
Dokala Yusufu Jara

Fanga ma sigi kala kelen kan fôlô

Mali fanga kelen bë nônsin ye. Sogomada fe a ka je, tilegan fe a ka bilen, sufé oka fin. O de koson ntolonin ko a muso ma, i kana jore ni ne gënbaaw bë n kô k'u bë n faga. Nka n'i y'a mën u da ko a' ye na ni ntolanisuyen k'a file, o don a' ka ne sukasi ke. O ye tijé ye.

Taabolo kelen sôrolen te Mali fanga la fôlô. Don o don yelema kura, kuma kura. A fo an na to tan. An kunfôyôrô kelen bë jamana wérêw ye. O ye dësé danye. Politikimögôw ni Sedeyawo y'a jira-ko Kapitén Amadu Haya Sanogo n'a ka sorodasijskûl k'a sen bô fanga kumaw na k'olu to mögo tòw bolo. Olu sônnna o ma. Kowtolenolu minnu bolo u desclen be ka bën kan klen kan. U têna se k'a fo ko sorodasiw sen b'a la bilen. Sorodasiw ye hakilimaya belebele ke. N'o te Musa Tarawele kelen ka Modibo Keyita ka fanga dafiri, o y'a ka furancelafanga ke. Amadu Tumanî Ture kelen ka Musa Tarawele fana ka fanga dafiri, o y'a ka furancelafaga ke. Kapitén Amadu Haya Sanogo kelenka Amadu Tumanî Ture ka fanga dafiri, politikimögôw wulila k'u jo k'o t'a ka furancelafanga ke. Ojenia o kô jamana ka hère kama. Mögo wérêw sigira

Kunnafo niye jamana josen fôlô ye

Djé kôno, kunnafonidilaw ye jamana sinsinbere do ye. U ni bonya ka kan. Kunnafo ni bë mögo lafiya k'i bô dibi la. Jamanadenw hakiliila ka tige, k'u da ka sunogo, o sababu do ye kunnafo ni duman ye. Kunnafo ni bë i n'a fo yeele ka sira jira jamanadenw na. A bë fokaben sinsin mögo ni nôgon ce duw kôno, sigidaw la ani jamana kôno. Kunnafo nafamâ bë mögo bô hakiliila jugu kan k'i bila numan sira kan. Nka an bë don min na, kunnafonidilaw bë jini ka ke sababu jugu ye jamana kôno ka takurun jugu dadon. O bë ka jamanadenw hakiliila nagami. Mankan min cilen b'an ka jamana kôno bi, kunnafonidilaw dôw no b'a la. Fo kunnafonidilaw k'u jo u joyçôla ni kunnafo numan dili ye. U kana ke sababu ye ka bënbaliya don jamanadenw ni nôgon ce k'u bila tijenê sira kan.

Isa Jalo ka bô Kodugu, Dugabugu komini na Kati



Yaya Mariko

furancelafanga kunna. O y'a ka minisirijemögô ta fo ka minisirw sugandi. Ni politikimögô m'a joyçôkokèle dabila k'ucésiribasigi sabatili la jamana kôno, u togojugu mëennan bë mögôw da. Mali fangako têna kologeléya, körönfekelétena ke. Akokelen bë dönni dòn goman ye.

Bëe je b'a la; laharanko te. A san 20 ye nin ye wale jugu dörön bë sen na jamana in kôno.

Binkannikelaw bë mögôw faga fen te bo a la. Setigw bë bin faantanw kan k'u ka dugukolow minne u la kunfôyôrô t'u la. O dansagowale minnu bë banba la jamana kôno. Ala diminen don an kôro, k'a ka masaya jira an ka jamana na.

N'an ma yafa nôgon ma ka segin an koko hadamadenya ta a da kôro la, ka faantanw ka hakew labato, anjigu tuguli

man nôgo. Mogo wérêw bolen fil jàmana wérêw la ka na u ka se boli an kan. Ala ka hakili numan di an ma.

Hakiliila jugu bë jamana nagami

Ne bë kuma Manden fanga kan. Waati jan téména Mandenjamana mögôw tun bë wele Tan; nk'an bë don min na u bë wele Kôntontô. Sabula Manden mögôw tun dönnen bë ni maloya ni danbetigiya ye fôlô. Maloya te mögô o mögôla, obëson ko bëe ma. A te ke kankelentigi ye, a te se ka némögoya numan ke, a janfan ka bon; a mako te ko numan na, a bë benkanw tijé, dibilakow ka di a ye, a bë furuw tijé.

Anbëdon minna Malikelen bë kônonafili jamana ye k'a sababu ke politikimögôw ye. Mögô si mako t'a yëre dalakuma labatoli la. Hali n'u benna fenmin kan sogomada fe, sanniwula ce a b'o benkan bôrto.

Ko Séki Modibo Jara y'a ka mögôw ta a yere ma. Ka ma mögô si hakiliila jini o ko la. Politikimögôw y'a jira k'o waleyia in ma bën olu ma. K'olu tunka kanka wele uk'u hakiliila fôlô. N'i y'a sôro Modibo Jara tun ye politikimögôw wele a kabâra in matarafali la, hali n'a nagamina a bë fôk'akelen no

don.

Hali-Séki Modibo Jara keli minisirijemögô ye o ma diya mögô dôw ye, sabula k'o ye jamanakuntigi kôro Musa Tarawele buranké ye. Hali ni mögô te malo, i ka ke hörön ye. Balimaya, furusira, nin bëe ye taabolo ye an ka jamana in kôno. Mögôsi kelen te yen ko i man surun fanga kôro dôkuntigi la. Ko bë se ka je Séki Modibo bolo, i n'a fo ko bë se ka tijé a bolo fana.

N'i ye jatemine ke Modibo Keyita tile la, Malidenw ka fini donta bëe tun ye nanginé ye. Yuguyugufini tun te se ka ye mögô la. Hali julaw tun te se ka don ni yuguyugufiniye jamana kôno. Tuma min na Musa Tarawele ye Modibo Keyita ka fanga dafiri, a ye sira labila julaw ye. U bë se ka don ni feerefén fen o fen ye ko jamanadenw mako b'a la n'a te baasi lase mögô ma u k'o ladon. N'o te Maliden caman makonjeminen tun bë san Kodiware. K'a ta négésow la ka se arajow ni fini ma, nin bëe tun be san Kodiware Modibo Keyita tile la. Modibo Keyita binna k'o ma baara ke. A dun ka mögô dôw tara Musa ka fanga kôno. Ni Malidenw ma hakiliila jugu dabila, ka némögoya dabila, an te taa je. Yaya Mariko ka bô Senu Bamako

Poyi : Mali politikitônw



Burema Keyita

A to, a to, mögô ta to mögoye; Mali politikitônw a' y'a to. Janfa dan ye yërejanfan ye. Faso te yiriwa yërejanfan ye. Jamana te basigi niyôromakarana kan. Kunun, Mali tun ye misali numan ye, Nkabi, bolokonnindensinnen bë Mali ma

A' y'a miiri a' bënbakew la; Sunjata Keyita, sigikafo dunke. Samori Ture, kële cefarin Babenba Tarawele, faso bulondalakon, Olu ma niyôr makaran. Faso! Faso! Fasoko te tulon ye.

Mögô kelen tile te dije ban. Jamana némögô kôròw, kuntigya te di bëe ma. Jamana némögô kuraw, kene file, Kene barikama.

Wulikajo waati file; Jamana te basigi kële kan, Körönfela demmisénw, an miiri b'aw la, Musow ni cew, an te nîne aw ko, Don bilen janya, don sebali te. An b'aw ko.

Burema Keyita Kucala Akademi na

Angere da ka nôgo nka a te mako je

Tijé don jamana némögôw ye do bë angere songo la sénékelaw ye. U ye caman yere bo a la. Nka angere min songo tun ka gelén, o ka ni ni sisânangere songo duman in ye. A bëre 2 tun bë mako min nésenfenw ma, sisanta bëre 3 t'o nôgona ke.

Angere min songo tun ka gelén, n'i tun y'o don i ka foro la, o foro tun bë san 2 fo 3 sôro kasro i ma angere wëre k'a la. Nka goferenaman bë min di an ma sisân da nôgo la, o nafa te kalo 1 dafa foro kôro. A joyçô ka dôgo sénéfenw ma.

A kelen bë mögô ka nsana ye: Min bëra dulökiba kundama na, o farala a kôno kan. Tijé na dô bëra angere songo la, o farala a n'baliya kan.

An bë min jini jamana némögôw fe, u k'a jira angere dilannaw na ko angere diya ye a nafamafénw ye. N'o te angere koto gô don fôlô.

Banba Jara ka bô Surukun-Gangaran, Tukötö Komini na Kita

Semudete selen te k'a ka layidu tiime nôgôko la fôlô

San o san, koorisénénaw b'u ka kene sénéta dantige. U mako bë nôgobore hake min fana na u b'o dantige. N'o ye kooriforow ni kabaforow nôgo ye. Nin dantigeli bë ke yanni samiyé kura ka se.

Dugufeno fen, a bëe forotigw bë nin lajiniw ke u ka awew sëbennekélaw ye. Olu b'o sëbenw don cikélakolidenw bolo ka lase Semudete ma. O de b'a to duguw mako bë nôgobore hake min na ani jamana mako bë nôgobore hake min na san kôno o bë dòn. Semudete de b'o bakuruba jini ka ladon jamana kôno nôgoya la. San caman na o lajiniw tun bë bo a sira fe.

Nka jinan, geleyaba dönni bë nôgôko la. Nôgo jinita bë selen te ka sôro anw ka dugu fe fôlô.

Sénékelaw duny'u ka lajiniw ke nôgôko la a mëennna; wa u y'u ka kene sénéta bëe séné kaban. Mögô min ye nôgobore 10 lajini ke n'o ma dôwre sôro fôlô bëre 5 kô, bëe b'a dòn k'o ye geleya ye.

U bë k'a fo an ye, ko nôgo to bëna kofe. Sene dun ye fen ye, fo a baara bëe ka ke a tuma na.

Nidoy'a kewaati je, a nafa bë dôgoya. O hukumu kôno, ne b'a jini Semudete fe, a ka

feere teliman tige, min b'a to sénékelaw bë se k'uka nôgo to sôro, kasorónogontanya ma tijenî lase u ka sénéfenw na.

Daramani Sise ka bô Nôgôlaso, Sanzana Komini na Kijan Sikaso

Yala Mali bëna bô jugu bolo tuma jumen na ?

Kabini fangayelema kera, Mali be k'a disi da kële fila la: körönfekelé ani joyçôjininaw ka kële.

Mogo minnu bë ka joyçôjinikélé wuli ka ke an kan, an b'a jini olu fe, u ka sabali. An ka fara nôgon kan ka jamana bô mögô jugu bolo fôlô. N'i y'a ye i bë sigi némögoya la, o k'a sôro mögô b'i bolo i bë sigi minnu kunna.

Jamanaden hake min bë k'a sigiyôrô bila ka yelema jamana wérêw la fôlô o de ka ca. N'i ko i b'olu némögoya jini, i bëna joniw mara ?

Ni joyçôjinina ninnu m'u ka kële dabila a tuma na, u bëna u tôgo jugu to jamanaden tòw kôno. An bë dugawu ke, Ala ka hakili numan di u ma walasa jamana ka basigi.

Alu Kône ka bô Zoni Endisiriyeli la Bamako

Némögobonya kôro ka di

Ne bë jininkali ke. Yala demokarasifanga ka di wa? Walima a man di de? Ne kônî bolo demokarasifanga man di. N b'o fo ka da kôro caman kan.

Kabini Ala ye dije da, némögobonya tun ye wajibi ye. Nka an k'olu ka mara tun ye fangafin ye; k'o man jni. O n'a ta bëe o fangafin mögô ma sôn k'u ka jamanatigi do gosi abada.

Asani Tarawele ka bô Kokuna, Kapolondugu komini na Sikaso

Kalankene N°120nan :

Hadamaden Josariyaw Dantigelisèben (3)

Kalankene temenèn bolila hadamaden josariyaw kan ka nesin sariyako ma. Mali sariyasunba kono, ani hadamaden josariyaw dantigelisèben kono, a jirala ko bëe ka kan sariya nekoro, faama fara faantan kan. O hukumu kono, jalakili n'a saratiw don, jotigiya y'a saratiw don.

An y'o de lase aw ma, k'a ta sariyasen 8nan na ka se 11nan ma. A ka kan bëe lajelen k'a jini ka sariyasen ninnu dòn, k'u kono kow faamu, k'u lafasa ani ka baara ke n'u ye, walasa i mana ke yoro o yoro la, nkalon kana ke tijé ye i sigilen jena. Tijé kana ke nkalon ye i sigilen jena.

Nin sen in na, sariyasen 12nan ka se 15nan ma, an b'o dajira aw la:

Sariyasen 12nan:

A te ben mogo si k'i diyangoya don mogo wëre ka gundo la n'a tigi ma dijé n'a ye: a ka bataki b'o la, ga b'o la, denbaya b'o la ani nénamaya tow taabolo. O cogo kelen na, a man kan mogo si k'i mogo nognon mankutu tijé, k'a lagosi. Nin wale ninnu konné don sariya fe, min be bëe lakana.

Sariyasen 13nan:

- 1 - Bëe sago b'i taayoro ni sigiyoro la, i ka jamana kono.
- 2 - Taakasegin yamarualen be bëe ye i ka jamana ni jamana wëre ce.

Sariyasen 14nan:

- 1 - Ni ke be mogo ko, i be se ka taa i kafidodon jamana wëre la, wa i ka kan n'o ye.
- 2 - Hadamaden min bolikun tigitigi ye a ka jamana sariyaw walima. Dijé Kelenya Tonba ka sariyaw n'a kuntilennaw sôsoli ye, o tigi te se ka bo nin sariyasen dakun folo nun ma.

Sariyasen 15nan:

- 1 - Bëe ka kan ni jamanadenya do ye.
- 2 - Mogo si ka jamanadenya man kan ka bosi i la diyangoya la, wa i man kan ka bali a yelemani na. DNAFLA Bayelemanijekulu

Poyi : Ko do tuma sera

Soli ma fo, solikawuli ma fo,
Boli ma fo, bolibiribiri ma fo,
Taayorodon de fôra.
Hali n'i solila poyi,
N'i t'i taayoro dòn, n'i m'i taayoro ye,
Soli na ke fuye, solikawuli na ke fuye.
Tile na gan i la, tile bilenba na bo i la.
Hali n'i bolila, ni kuntilenna t'i la,
Boli na ke fu ye, biribiri na ke fu ye;
Bari su na ko i la, dibi kurunba na don i la.

Dukene n°96nan :

Baloko geléya an ka duw kono

Dakun folo

Nin bëe b'a jira ko an ka jamana mankanka kono. Kono mankanka jamana wëre fana soro an kerefe.

Balokogeléya be dakun jumen na bi an ka duw kono?

Faamadu kelen-kelen minnu b'an cela, olu ko te. Jamanaden fanba ka duw de ko don, fasojama. Ola, an be jateminé ke cikéduguw ta cogoya la ani dugubaw ta :

Samiye be se ka cikela min ka forokonosuman to soro a bolo o ka dogo. San tilance kalo 6 yere te se ka suman toto du camankono cikéduguw la. Waati to bëe be ke tugu-tugu ni bari-barila. Juruwde bësara nisuman fanba ye. Do fana be feere ka don musakaw dafe.

Ola sa, cikéduguw la, balo be san de. Sew, sagaw, baw, ani misiw be feere ka sumanw san. N'o si te cikela min bolo, n'oka mogo be duguba kono walima jamana kókan, deme be jini o fe nafoloko la, walasa ka suman san. N'o fana te yen, dudenw be jensen; dòw be taa baaranini na fan werew fe, dòw be taa balimakunda. Dugubaw kono, sumanw be san. Du kono, do be ban, do be san, kura ts na ka körölen soro. Dutigi min ka san balo b'a bolokoro, suman na walima nafolola, o man ca. I b'a jini i sen kan, k'a dun i sen kan. San be yelema o cogo la, i yere t'a dòn tigitigi i sera cogo min na k'i yere bo a ko la.

Maakorobaro : Timinandiya be sabaliso

Sabaliso ye so duman ye k'a sababu folo ke sabali yere ye. Asababu filan ye timinandiya ye. Sabali ye furuku-furuku ban, ka datigendala ban, ka kélé ban, ka benbaliya bali. Jekafo ni jekasigi ni kotoñgontala soro la timinandiya kono. Timinandiya ye sabali jukoromadondon, ka sabali barika, ka tulonkayele latige sabaliso. N'i sabalila i b'i timinandiya; bawo sabalibali te timinandiya sidon; n'o te, a tun b'i dusu faga, k'i sabali. Timinandiya ko sabaliso denw k'u cesiri ale nofe, fen o fen ka di u ye, a ma se köröto ma, u bolo be da o fen kan n'a ka di Ala ye. O fccogo la, dugudenw y'u dusu faga, u yere magosadusu, k'u tugu timinandiya ko. Osira ma goya fewu. Bëe y'bereninké, wa bëe y'beremata



Daramani Tarawele

fana soro. Ko timinandi be no bo ko bëe la, ko timinandi be si bo siyefan na. Timinandi kokorotoma, k'a k'a makono yan. Timinandi taara a ka sira fe, a m'a kofile köröto la. Timinandi ni körötabaa ma taama nögon fe. Köröto kelen ka timinandi makono ka desé, a

An ka kunun, an ka wuli, an ka baara. Baara de ye kono ke k'a naa da. An ka wuli k'an kun jini, k'an kuntilenna jini. Soli ma fo, solikawuli ma fo. Boli ma fo, bolibiribiri ma fo. Taayorodon de fôra. Kuntilennadon de fôra.

Fatumata Keyita "PHARE"
Bamako

Cikélaw be ka suman san, dugubakonmogow kerebete, jón dun be ka o sumanw sens? Olu be bo fo dijé fan wëre. Jagokélaw be taa usan ka na n'u ye jamana kono.

San 50 jamana te se a balo koro, fijé be yere mahorony la. Jamana kono, jamanaden keme o keme, bi seeginye cikela ye (80%), oluteka se u balo koro, kuma te jamanaden to 20% ta ma, o faamuya ka gelén; bawo a ka bon hakili ma.

A dun te se ka fo, ko Mali cikela te baarakela ye. Nka fen te soro baara min na, hali n'o ye horonbaara ye, o be mogo timinango. O de kelen be cike ye bi. Kiseyabaara koni don, halalabaara fana don. Fen be soro baara min na, n'o kera namara ye, yuruguyurugu, sonyali ani binkanni, olu dun te doweré ye ni tinenisiraw te, fura soro man di bana na.

Ni jamanadenw y'u sigi ko gogenaman de ka baara don, a te jenabo; bawo kongo ni minnogob'anw de la.

Ni goferenaman ko dunkafa te se ka sabati ni nansaraw te, a te jenabo; bawo olu ka ja manaw te kongotjamanaw ye.

Kabini Mali y'a yere ta, wulakonmogow denw de be ka jamana mara. Mun be kongoko la ani dunkafa sabatiliko la k'olu't'o kalama?

Mahamadu Konta

wulila k'a nödon; a panna a kunna. A y'a ke taali ye sa, a ma timinandiya ye.

Köröto ni timinandi ma taama, u ma nögon ye kens kelen kan. Köröto be tijeni na ka taa, timinandiya be dilanni na waati bëe. I ko timinandiya, sabali fana be dilanni na sanga ni waati bëe. Tijenikélaw de y'u mabo timinandiya la pewu k'o köröke dusubaya gansan ni köröto ye. Kélé o, sègen o, salaya o, kuncébaya o, ko o ko, n'a be fijé bila hadamadenya la, sabali n'u ma je, timinandiya n'u ma je. Timinandiya ye sabali ye. U mana jigin du o du kono, odu ye daamuye, odu ye lafiye ye, soro fana du don. Du don, min naloma ka ca n'a mogo keguman ye. Sabali ni timinandiya te nalomaya ye. A fila bëe ye faamuyali ye, a fila bëe ye hakili ye. Mogo ya ye hakili ye, hakili be faamuyali latige.

Sabalibaa faamuyali ka bon i ko timinandiya. Timinandi hakili ka bon i ko sabalibaa. Ka ninnu faamuya, sabali ni timinandiya, i be mogo ke ni mogo suguya bëe ye, dusuteli, körötabaa, sitanamogó bëe. O n'a ta o ta, sabali tigi dögoyara, timinandiya tigi dögoyara. Mogo ya jigi karila, bëe wulilen don k'i jo.

Karamogo Daramani Tarawele
Hamadamenya taabolo
kalandiya

Woso ye fura numan ye

Zonbe negedunka bandōnin-dōnin. Farikolo zon fana b'a tijē dōnin-dōnin. Woso ye zon wulilan numan ye. Dimi minnu b'e ke mögo kann'a b'e koro, woso b'o dimiw kubben.

Woso buruju b'ra Ameriki gun woroduguyanfan fe. A nafa ka bon koseb'e dusukundimi ani fariladundow keleli la. I n'a fo dun min b'e don ce ceya la ani min b'e mögo nkunankuna mine. Dōw b'a fo nkunankuna ma fiye. Witamini suguya minnu b'e wele B2, B6, C ani A, olu b'e woso la. Dōwre b'a la min togo ye «beta karoteni». Nafa min b'e woso wōrōn na, o b'a fara la, o b'a bulu fana na. O siratige la mögo min ye wosobulu dun, min y'a fara-nini ani min y'a ku wōrōn dun, a

b'e ye witamini suguya kelen soro. Nka n'i b'e wosobulu dun, a ke nugumēreninw ye.

Woso nafamafen cogoya b'e tali ke woso suguya la. Wosobilen b'e dun kele farikolo la; a b'e zon fana kele. Wosoje b'e sukarodunbara bali ka juguya farikolo la. Woso suguya min bilenyä b'e hake la, o nafamafenw ye dene ni manganensi ye. Manganensi ye dumuni nafamafen do togo ye tubabukan na.

Woso b'e dun cogo di? Woso ye dumunifén ye, min tijē ka di. A b'e lamara firigo de kono ka meen. N'i b'a fe k'a lamara, i b'a woloma. Tijeda te minnu na ani tolikasa te minnu nofe, olu de ye woso numanw ye. Woso

farama fara a wōrōn kan a kene be dun; a tobilen walima jirannen walima jinenen b'e dun. Akogoma n'a kogontan b'e dun. Ni komitē te mögo min bolo, o b'e se ka woso bila a nō na. U b'e nafaw ye kelen ye. Woso b'e se ka dunni sogowalima jegeye. Wosobulu b'e na ye walima k'a ke na do tobito la.

N'a ka di mögo min ye, n'a b'e dumuni ke, a b'e se ka woso wōrō k'o tige-tige ka da o kan, ka to k'a bolo se o ma. O b'e neema ni sukaro jigin a da kono. Woso dilancogo do fana b'e yen o ka fissa mögo ma kosebe. I b'a wōrō k'a susu. Sukaro ni sefan b'e k'o la kasoro k'a jiran.

Dokala Yusufu Jara

Zaponjamana na, ce do y'a yere sogo do feere

Zaponfaaba ye Tokiyoye. Yenpolisiw ye segesegeli do ke ce do kan, min y'a yere ceya sanfeta ni dugumata b'e opere dōgotōroso la k'a yere yelema ka ke muso ye. A y'a ceya ninnu tobi ka ke surofana duman ye k'a feere mögōw ma. Ce in si hake b'e san 20. nōgōnna na; nēnajekela don. A y'a jira k'ale ye nin waleyia in ke walasa a na se k'a ka furakeli musaka sara ani k'a sementiya mögōw ye, ko pedew n'ale yere nōgōnna b'e Zaponjamana na. Nin kunnafoni in mēnnēn ye mögo caman kunmasi ce; nka polisiw ka kumalasela y'a jira ko faamaw y'a sementiya, ko cēnin in nominēko te nin ye. Sabula k'i yere sogo do dun walima mögōsogodun ma kōn Zaponjamana na. Cēnin yere de y'a

Iajini ke a ka opere k'a ceyaw b'o san marisi kalo temenen in na. A tun y'u lamara a ka firigo kono fo ka se zuluyekalo in ma. A sōrōla ka soba do ta luwanze la su kelen a dunyōrōko kama. Sogo in dira Tokyo tobiliksela-nana do ma o k'a tobi ka ke surofana duman ye. Mögo o mögo ye do san a la ka dunani fen o fen y'a nēne, u b'e y'u tegenobila sebēn na, min b'a jira k'u y'a dōn ko mögōsogo don k'a dun. A tige-tigera k'a tigenin kelen-kelen feere sefawari dōrōme 26 200 la. Cēnin min file k'a ceyaw tobi ka feere, oy'a jira k'ale ye jamana sariya labato. A ma mögo faga, a ma wajibya k'a ceya opere ka feere. A baara b'e fana kera saniya kono.

Dokala Yusufu Jara

Jiginni surunyalen sunogobaliya

Muso mana surunya jigin na, a ka ca a la a te sunogo kosebe. A b'e hamia jigincogo la ani denbatigiya, dōgotōrōsolataa jiginni na, den ka lamaga lamagaliw'ani dumuni dōw fana b'e yen a te se k'olu dun. Muso kōnōma caman de b'e yen minnu te sunogo sōrō u surunyalen jiginni na. U b'e se ka mun ke walasa u ka sunogo sōrō kasoro u ma sunogofuraw ta? Dumuni fēgenman nafama hake min b'u labo u ka kan k'o dun surofana ye, ka dumuni tulolenba girinmānw dunni dabila sufē. Olu yelemani man nōgo u b'e mögo nōjo. Dumuni fēgenman ninnu b'e se ka dilan malo walima suman wērew la, minnu ka timi walima k'a sukaro k'u la ni seri don. Dumunifén feereta minnu ka timi ölu fana b'e se ka dun. Fen o fen b'e, n'o b'e mögo nōjo sufē muso kōnōma man kan k'o dun. I n'a fo te ni kafe. Waleyia dōw fana b'e yen a ka kan k'a yere tanga olu ma: su fe k'ele misenninw, sōslibaro kuntaala janw, telefonici, telefile. A man kan ka ninnu ke a dalen sunogo kama.

Hakilisigi b'e kōnōbara lafiya

Hamijugu b'e mögo kōnōfunun. Sabula dumuni te yelema joona, tulu b'e sigi furu kono. Hakilisigi de b'e kōnōbara lafiya. Mögo ka kan ka dumuni ke ni hakili ye. I kana dumuni galabagalaba dun. Kōnōbara fa dumuni wasalen na, o kuntaala ka surun sanga 15 la. Fo dumuni niimita ka nimi ka ne yanni i k'a kunun. Mögo man kan k'i to dumuni na ka kalanje, telefonici walima telefile ke. Fen b'e n'a kēwaati don.

Ni kōnōfunun b'i la, i b'e to k'a digi-digi sōgōma ni wula. I b'i da k'i jan, k'i tege tintin i kōnōbara kan k'a fan b'e munumēne sanga 5 kuntaala kono. O ka teli ka lafiya se mögo ma. N'a ka di i ye i b'e se ka keremu do mun i kōnōbara la folo.

Kibaru, kunnafoni jigine!

Maliden 3 nangira k'u b'e faga Moritani jamana na

Moritani jamana na, Maliden 3 minena ka kiiri tige u kan k'u b'e faga. Sabula k'u ye Moritani cekorōba do ke saraka ye k'a sogo tige-tige k'a fili-fili Nuwadibu dugu nēfē. O si hake tun. b'e san 75 la. A kera Nuwadibu, jamana kēnēkayanfan fe ka digitilebin kan. Sariya y'a jira ko waleyia in ye ko juguba ye. Maliden minnu sigilen b'e Moritani jamana na, olu ka tōn nēmōgo ye Nipayi Jara ye. Dawuda Jakite ni Yaye Sise y'a teriw ye. U mögo 3 b'e ye buguridalaw (laturudalaw) ye. U nangira k'u b'e faga.

Laturudala ninnu y'a jira u ka kiiri senfē, ko Mali fanganinina dōw de y'u bila baara in na walasa olu ka se ka joyorōbaw sōrō Malila. Maliden 2 wēre minnu y'u deme ka sogow doni ka fili-fili dugu nēfē, olu ye Yayi Kulubali ni Adama Samakēye. Yayi ye muso ye; Adama in ye takisibolila ye. Olu fila nangira san 5 kaso la. Moritani ce kelen fana nangira san 2 kaso la; sabula a jirala k'o ye laturudala ninnu deme u ka se ka sebēn dōsōrō Moritani jamana na.

Sogow fili-fililen yelen dugu fanw fe, wulikajow de kera k'a ko nēnini. Siga tun kera mögo minnu na, olu segesegera k'a jo u la. An b'aw ladōnniya ko ka mögo kiiri k'a b'e faga, o sariya b'e ba la Moritani jamana na. Nka kabinisan 1984 b'an'a waleyali ce.

Faantan kaarilen

Berezili jamana dugu min b'e wele Sawopolo, ce do n'a muso b'e yen, faantanya dan b'e y'u ta ye. So t'u bolo fo u yelemanen b'e pōn do de jukorō. Don do la ka ce in yalato to bōlōn kono, a ye malēti do ni namankēbōrenin do ye sirada la. Dolariwari 10.000 n'o ye sefawari miliyon 1 ani dōrōme 50.000 nōgōnna ye, o waribiye tun b'o kono ani wari misen caman wēre. Letereforokow caman fana tun b'a kono. A sinna ka mögo bila ka polisiw wele. Olu nanen, ce in ye wari in di u ma.

Polisiw y'a jira ko nin ce in ye faantan kaarilen dan ye. Hali so te mögo min bolo, o ka wari tomo ka laban k'a bolo b'o la ka di, o b'e mögo dabali ban. Sebēn minnu tun b'e wari in kan, o b'a jira k'i b'a sōrō wari in sonyalen b'e Zapon jamaden do ka lotoli la Sawopolo. Ce min ye wari in tomo, a tun b'e se ka boli n'a ye. Nka a y'a naniya k'a tigi nini. A y'a jira kunnafonidilaw la, k'ale te sama nin wari in nofe; sabula ale b'e min sōrō namanbaara la don o don, o b'e se sefawari dōrōme 735 hake ma. A y'a jira fana, k'ale ba b'a laadi tuma b'e, a kana sonyali ke. Faantan don; a n'a muso b'e si Sawopolo pōnjukorō. Mögo miliyon 18 b'e sōrō o dugu in kono.

Musokonoma ka peseli be ba ni den fila bee tanga

Musokonoma be taakasegin min ke dogotoroso la fok'a jiginni ka dogokun kelen dafa, o de ye peseli ye. A be dabo jatemine kama ba ni den ka kenyako la.

Peseli ye suguya fila ye. Min be ke k'a damine a sidondon na ko muso konoma don, fo k'a se jiginni ma, o ye jiginni labenni peseli ye. Min be ke jiginni kofe, o ye jiginni kofepeseli ye. Ale be dabo jiginni kofekasaaraw jatemine kama.

Madamu Kulubali Asitan Togola ye musolajiginnna ye Sege dogotoroso ASAKO la. A y'a jira ko kabini muso mana siga a yere la, n'o ye koli tigeli ye a la k'a neatumma teme, a ka kan ka na dogotoroso la ka lajeli ke. N'a donna ko konobara don, a be peseliseben ta saratiw be da a ye peseli kama.

Jatamine na, musokonoma ka peseli folo ka kan ka ke konobara kalosaba folo la. A filanan be ke konobara kalosaba filanan kono. A sabanan be ke konobara kalosaba sabanan kono; kerkenkerennenya la konobara kalo 8nan na. Jiginni be ben peseli naaninan ma. Peseli sabanan na, a be don ni musokonoma be se ka jigina peseliyoro dogotorosola, walima

a k'a magere dogotorosoba do la min be se ka jiginni geleya caman kunben.

Madamu Kulubali Asitan Togola ka fo la, jiginni kofepeseli be ke ni den ye dogokunkelendafa. A be se ka ke yanni o waati in ce; nka o ye ni dimi dagalen b'a kan, walima ni basibon ma kottig jiginnen kura in na. Dogokun kelen sarati dakun ye den togo dali furance ye. Muso be nani min ke denkundi no

gonin na, den woloseben be dilan meri la ni seben min ye o be laben ka den togo don o kono. O peseli min be ke jiginni kofe, o kun ye k'a don ni sinji min be ka di den ma, n'o ye numan ye a ma, ni wolonugu laseginnen b'a no na ka ne, den tonso ye wololi min ke ka bo a ba wolonugu la k'a don ni joli walima ji te ka bo o yoro fe. Sabula o kasaara suguyaw ka telin ka muso



Madamu Kulubali Asitan Togola ye musolajiginnna ye

faga walima ka bana jugu lase a ma jiginni kofe.

Madamu Kulubali Asitan Togola y'a jira ko muso minnu bena u yere lajs ASAKO la, a fanba si hake b'a ta san 16 la ka se 30 ma. Muso kolo kogolenw man telin ka na peseli la walima ka na jigin dogotoroso la. Olu camandeselende bena; n'o te a man di uye. Ub'a fo ko bi m'u bila denwolo

la, ko kun tu ka dogotorosolanani na bilen. Nka muso denmisennama minnu be dogotoroso sira taama, olu be siran konomaya ne. U dun jo don; sabula musokonoma ni kolosliko numan ka kan.

Denbatigi mana tile 15 soro kasoro a ma na jiginni kofepeseli la, a be se ka na ko were la sa; n'o te jiginni kofepeseli to ye bilen.

Kabini a mana don ko muso lajolen don, peseli nafaw ani peseli kabalilya kololow be fo a ye. Nka o n'a ta bee, dow te son ka peseli to ke. Dow tene saratiw la. Dow be peseli saratiw dafa nka olu tene jiginni na dogotoroso la. Ce dow te son u muso ka na peseli la. Olu b'a fo k'a matarafali musaka tu bolo. Wulakondoguw la, an balima fulaw fana te son ka na peseli ke. Olu b'a fo k'u be maloya o la.

Walasa ka caman be konomaya kololo juguw la, Madamu Kulubali Asitan Togola b'a jini Sege ASAKO dugu 9 ninnu fe, ce ni muso bee k'a fanga fara pogon kan, min b'a to ba ni den ka kenyako be sabati a ne ma. Muso mana garijig soro, ka konobara ladon lafiya ni hakilisigi kono, o ye here ye ce ni muso fila-bee ma.

Dokala Yusufu Jara

Patirisi Kariteron : Samatasegew degelikaramogo kura

Mali sennantolatan tonba n'o ye «Malifoot» ye, o ye degelikaramogo kura soro Samatasegew la alamisadon zuluyekalo tile 12 san 2012. A togo ye Patirisi Kariteron. Faransi jamanaden don. A ka baara kono, Samatasegew latemeni Kani 2013 nebilantolatan to la ani u laseli san 2014 Kupudimoni kene kan, olu b'o la.

Patirisi Kariteron bilala Alen Ziresi no na. Ale fana tun ye Faransi jamanaden ye. O min ye Samatasegew lase Kani 2012 kene kan Gabon-Gine Ekatoriiali. Degelikaramogo kura ni korelen fila bee ye ntolatanna koro ye. Patirisi Kariteron ye ntolatan Faransi ntolatanton minnu fe, olu ye Liyon, Senteceni, Ereni ani «AS Kani». San 2007 a ye ntolatan dabila k'a to o ton laban in na. Patirisi Kariteron ye ntolatan ka teme Anglejamana ton do la Sunderlandi togo la. A ma teme kalo damado kan yen. O kera san 2001.

Ntolatanko la Patiriki Kariteron ye kofemogo ye n'o ye defanseri ko ye. San 1997, a ye kupu «Enteriko» ta



Patirisi Kariteron ye Amadu Jalo sugandi ka ke a demebaa ye

Liyan fe, Faransi ntolatanton minnu be dugumakulu la n'o ye «Ligi 2» ye, a y'ona janikuputa k'a to Senteceni na. Tuma min na Patirisi Kariteron ya

ka lafiniye ta ntolatan na, a ka ton n'o ye «AS Kani» ye, o ye baarada were di a ma, min b'a yamaruya ka mogow ta ka di «AS Kani» ma, n'o mako jora

mogo suguya min na. San 2008 marikalo tile 10, Patirisi Kariteron sugandira ka ke «AS Kani» degelikaramogo ye Sitefani Payi no na. U kelen k'o labila. San 2009 a bora o ntolatanton in degelikaramogoya la ka ke Dizou «FCO» ta ye. O ye dugumakulu ton ye. San 2010-2011, a y'otoni inlayelen sanfekulu la n'o ye «Ligi 1» ye. San kelen o kofe n'o ye san 2012 mekaloye. Patirisi Kariteron bora Dizou «FCO» la k'a sababu k'o binni ye dugumakulu kono kokura. Patirisi Kariteron bangera san 1970 zuluyekalo tile 30 Sembiriye, Faransi jamana na. An be don min na a si hake be san 41 na. Baara kerkenkerennen min donna degelikaramogo kura bolo, o ye ka Samatasegew lase Kani 2013 ani san 2014 kupudimoni kene kan. Patirisi Kariteron min kera Samatasen degelikaramogo 24nan ye, a kalosara ye sefawari miliyon 10 ye. Musaka werew be yen minnu fana be sara a ye Solomani B. Tunkara Dokala Yusufu Jara

SAN 2012 ZULUYEKALO KIBARU KONO KO

- ne 2 : Kornfekel kuma fobaga ka ca, a kebaga man ca
- ne 3 : Caman bora musosaya ani densaya la faantanjamanaw na
- ne 4 : Batakiw
- ne 5 : Kalankene N°120 nan : Hadamaden Josariyaw Dantigelisben (3)

Dukene n°96nan : Baloko geleya an ka duw kono

- ne 6 : Maliden 3 jangira k'u be faga Moritani jamana na
- ne 7 : Dijen ntolatannabaw ka sarako cogoyaw Kani 2013 nebilantolatankuluw sigira